



«22» մարտի 2023թ.

Ք. ԵՐԵՎԱՆ

Որոշում N 0486

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) ղեկավարի տեղակալ Սլավիկ Սարգսյանս ուսումնասիրելով.

1. 06.12.2022 թվականին ՀՀ առողջապահության նախարարության կողմից թիվ ԱԱ/22.1/29058-2022 գրությամբ ստացված տեղեկատվությունը,
2. 01.02.2023 թվականի ՀՀ պետական եկամուտների կոմիտեի կողմից թիվ 01/7-1/6367-2023 գրությամբ ստացված տեղեկատվությունը,
3. 07.02.2023 թվականի թիվ 06/2459-2023 «Վարչական իրավախախտումների վերաբերյալ արձանագրության կազմանը հրավիրելու մասին» ծանուցագիրը (փոստային առաքանիներ՝ LO108003046AM, LO108003011AM, հրապարակային ծանուցման նույնականացման համար՝ 1244561, հրապարակման ամսաթիվը՝ 22.02.2023թ.),
4. 28.02.2023 թվականի թիվ 0397 «Վարչական իրավախախտման վերաբերյալ» արձանագրությունը, (փոստային առաքանիներ՝ LO108334720AM, LO108334595AM, հրապարակային ծանուցման նույնականացման համար՝ 1257429 հրապարակման օրը՝ 14.03.2023թ),
5. 01.03.2023 թվականի թիվ 06/3938-2023 Վարչական իրավախախտման վերաբերյալ գործի քննությանը հրավիրելու մասին ծանուցագիրը, (փոստային առաքանի՝ LO108334720AM, LO108334595AM, հրապարակային ծանուցման նույնականացման համար՝ 1257429, հրապարակման օրը՝ 14.03.2023թ),

Պարզեցի

1. Նկարագրական մաս

Հարուցված վարչական վարույթի շրջանակներում ուսումնասիրելով 2023 թվականի փետրվարի 01-ի ՀՀ պետական եկամուտների կոմիտեի կողմից 01/7-1/6367-2023 գրությամբ ստացված տեղեկատվությունը, պարզեցինք որ «ԴԱՆԻ ՖԱՐՄ» ՍՊ ընկերության կողմից 01.02.2022 թվականից մինչև 05.12.2022 թվականը 3004 ապրանքային կոդով Հայաստանի Հանրապետություն են ներմուծվել ներքոնշյալ դեղերը՝

1. Ասպիրին կարդիո 0,1գ, N98 - 120 փաթեթ,
2. Կարդիոմագնիլ 75մգ+15.2մգ - 120 փաթեթ,
3. Պարացետամոլ 500մգ N10 - 20000 փաթեթ,
4. Ամոքսիցիլին - 160 փաթեթ,
5. Իբուպրոֆեն - 600 փաթեթ,
6. Լ-Թիրոքսին - 3600 փաթեթ,
7. Կլաֆորան - 400 փաթեթ,
8. Յոդմարին - 810 փաթեթ,
9. Ակտովեգին - 870 փաթեթ,
10. Բետադին լուծույթ - 1030 փաթեթ,
11. Իմուդոն - 200 փաթեթ,
12. Կոկարբոքսիլազա - 700 փաթեթ,
13. Սինտոմիցին - 198 փաթեթ,
14. Ացիկլովիր քսուք 5գ 5% - 1 փաթեթ,
15. Սենադեկսին հաբ N30 - 1 փաթեթ,
16. Գիպոտիազիդ հաբ 100մգ N20 - 1 փաթեթ,
17. Ադվանտան - 1 փաթեթ,
18. Ֆոսֆալյուգել գել 20% 16գ N20 - 1 փաթեթ,
19. Գաբապենտին Կանոն 300մգ N50 - 1 փաթեթ,
20. Բերոդուալ - 1 փաթեթ,
21. Օմեպրազոլ 20մգ N20 - 1 փաթեթ,

22. Ցիկլոֆերոն հաբ 150մգ N50 – 1 փաթեթ,
23. Կարիպազիմ 350 ՊԵ N1 – 1 փաթեթ,
24. Պիմաֆուցին մոմիկ 100մգ N6 – 1 փաթեթ,
25. Լեվոմեթիլ քսուք 40գ – 1 փաթեթ,
26. Ուրսոֆալկ դեղապատիճ 250մգ N50 – 1 փաթեթ,
27. Վիլպրաֆեն – 1 փաթեթ,
28. Ցիկլոֆերոն սրվակ 125մգ/մլ 2մլ N5 – 1 փաթեթ,
29. Պանավիր գել 5գ – 1 փաթեթ,
30. Բիսեպտոլ – 1 փաթեթ,
31. Գանատոն – 1 փաթեթ,
32. Օֆտալմոֆերոն աչքի կաթիլ 10մլ – 1 փաթեթ,
33. Ֆլուկոնազոլ- Վարտեքս դեղապատիճ 150մգ N1 – 1 փաթեթ,
34. Անդրոգել – 1 փաթեթ,
35. Գրիպպեֆերոն կաթիլ 10000ՄԵ/մլ 10մլ – 1 փաթեթ,
36. Տոբրեքս կաթիլ 5մլ 0,3%- 1 փաթեթ,
37. Սիմբիկորտ տուրբոհալեր 160մկգ/4,5մկգ 60 դոզա – 1 փաթեթ:

2022 թվականի դեկտեմբերի 06-ին ՀՀ առողջապահության նախարարությունից ստավել է թիվ ԱԱ/22.1/29058-2022 գրությունը, որի համաձայն «ԴԱՆԻ ՖԱՐՄ» ՍՊ ընկերությունը երբևէ ՀՀ «Արտաքին առևտրի ազգային մեկ պատուհան» համակարգով դեղերի ներմուծման հայտ չի ներկայացրել:

Փաստական տվյալների վերլուծության և համադրման արդյունքում պարզվել է, որ խախտվել են «Դեղերի մասին» ՀՀ օրենքի 21-րդ հոդված 4-րդ մասով սահմանված պահանջների պահպանումը՝ «ԴԱՆԻ ՖԱՐՄ» ՍՊ ընկերության կողմից վերոնշյալ դեղերը Հայաստանի Հանրապետություն են ներմուծվել օրենքի խախտմամբ՝ առանց դեղերի ներմուծման հավաստագրի առկայության:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 255-րդ հոդվածը, 28.02.2023 թվականին կազմվել է N 0397 վարչական իրավախախտումների վերաբերյալ արձանագրությունը, որը վարչական իրավախախտումների վերաբերյալ գործի քննության թիվ 06/3938-2023 ծանուցագրի

հետ միասին պատշաճ ծանուցվել է (Հրապարակային ծանուցման նույնականացման համար՝ 1257429, անդորրագիր՝ LO108334720AM, LO108334595AM):

Տեսչական մարմնում (ք. Երևան, Արմենակյան 129) 22.03.2023 թվականին ժամը 11:00-ին տեղի է ունեցել վարչական իրավախախտման վերաբերյալ գործի քննություն, որին պատշաճ կարգով ծանուցված Հովիկ Մեսրոպյանը կամ իր կողմից լիազորված անձը չի ներկայացել: Վերջինս չի ներկայացրել միջնորդություն գործի քննությունը հետաձգելու մասին:

2. Պատճառաբանական մաս

Վարչական մարմինը հաստատված է համարում, որ Հովիկ Մեսրոպյանի կողմից խախտվել են «Դեղերի մասին» ՀՀ օրենքի 21-րդ հոդված 4-րդ մասով սահմանված պահանջների պահպանումը (հիմք՝ 28.02.2023 թվականի «Վարչական իրավախախտումների վերաբերյալ» N 0397 արձանագրությունը):

«Դեղերի մասին» ՀՀ օրենքի 21-րդ 4-րդ մասի համաձայն՝ «Դեղեր, դեղանյութեր, դեղաբուսական հումք, հետազոտվող դեղագործական արտադրանք ներմուծել թույլատրվում է ներմուծման հավաստագրի հիման վրա, բացառությամբ սույն հոդվածով նախատեսված դեպքերի: Արտահանման դեպքում հավաստագիր տրամադրվում է արտահանողի ցանկությամբ: Ներմուծման կամ արտահանման հավաստագրերը տրվում են համապատասխան փորձագիտական եզրակացության հիման վրա՝ Հայաստանի Հանրապետության կառավարության սահմանած կարգով: Հայաստանի Հանրապետության կառավարությունը սահմանում է դեղերի, դեղանյութերի, դեղաբուսական հումքի, հետազոտվող դեղագործական արտադրանքի ներմուծման կամ արտահանման համար իրականացվող փորձաքննության կարգը և անհրաժեշտ փաստաթղթերի ցանկը»:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է Հովիկ Գևորգի Մեսրոպյանը (հասցե՝ ք. Երևան,

Աջափնյակ, Նորաշեն թղմ. /Շ/37/67 անձնագրային տվյալներ՝ AS0395631, տրված՝ 15.10.2018 թվականին, 012-ի կողմից):

«Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին: Վարչական իրավախախտման վերաբերյալ 22.03.2023թ.-ին կայանալիք գործի քննությանը պատշաճ կարգով ծանուցված Հովիկ Մեսրոպյանը կամ իր կողմից լիազորված անձը չի ներկայացել և չի ներկայացրել միջնորդություն գործի քննությունը հետաձգելու մասին:

Վերջինիս կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող և ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ Հովիկ Գևորգի Մեսրոպյանը կողմից իրավախախտումը կատարվել է անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ

կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց թեթևամտորեն հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնութային, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ: Նշված հոդվածից հետևում է, որ Հովիկ Գևորգի Մեսրոպյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես ընկերության տնօրեն՝ պաշտոնատար անձ:

Հայաստանի Հանրապետության Սահմանադրության 73-րդ հոդվածի 1-ին մասի համաձայն՝ «Անձի իրավական վիճակը վատթարացնող օրենքները և այլ իրավական ակտերը հետադարձ ուժ չունեն»:

«Վարչական իրավախախտումների վերաբերյալ» ՀՀ օրենսգրքի 8-րդ հոդվածի համաձայն՝ «Վարչական իրավախախտում կատարած անձը ենթակա է պատասխանատվության իրավախախտումը կատարելու ժամանակ և վայրում գործող օրենսդրության հիման վրա:

Վարչական իրավախախտումների համար պատասխանատվությունը մեղմացնող կամ վերացնող ակտերը հետադարձ ուժ ունեն, այսինքն՝ տարածվում են նաև այդ ակտերի հրատարակումից առաջ կատարված իրավախախտումների վրա: Վարչական իրավախախտումների համար պատասխանատվություն սահմանող կամ այն ուժեղացնող ակտերը հետադարձ ուժ չունեն:

Վարչական իրավախախտումների գործերի վարույթը իրականացվում է իրավախախտման վերաբերյալ գործի քննության ժամանակ և վայրում գործող օրենսդրության հիման վրա»:

Իրավական ակտը համարվում է պատասխանատվությունը խստացնող, եթե սանկցիայում նախատեսված պատասխանատվության տեսակը փոխարինվում է ավելի խիստ պատասխանատվության տեսակով: Ընդ որում, տուգանքների դեպքում պատասխանատվությունը խստացնող է դիտվում այն դրույթը, որով նախկինում գործող տուգանքը փոխարինվել է ավելի բարձր չափի տուգանքով:

«Վարչական իրավախախտումների վերաբերյալ Հայաստանի Հանրապետության օրենսգրքում փոփոխություններ և լրացում կատարելու մասին» ՀՕ-35-Ն ՀՀ օրենքով (այսուհետ՝ ՀՕ-35-Ն օրենք) Վարչական իրավախախտումների վերաբերյալ ՀՀ օրենսգրքի 47.3-րդ հոդվածի 1-ին մասով սահմանված սանկցիաները խստացվել են (ուժի մեջ է մտել 06.03.2023 թվականին), համաձայն որի՝

«Հայաստանի Հանրապետությունում չգրանցված (բացառությամբ Հայաստանի Հանրապետության օրենսդրությամբ սահմանված դեպքերի) կամ գրանցումն օրենքով սահմանված կարգով կասեցված կամ օրենքի խախտմամբ դեղեր ներմուծելը կամ արտադրելը կամ պահպանելը կամ բաշխելը կամ իրացնելը՝ առաջացնում է տուգանքի նշանակում՝ յուրաքանչյուր անվանմամբ դեղի՝

1) մինչև 5 դեղի փաթեթի դեպքում՝ սահմանված նվազագույն աշխատավարձի հազարապատիկի չափով.

2) 5-ից ավելի դեղի փաթեթի դեպքում՝ սահմանված նվազագույն աշխատավարձի երկուհազարապատիկի չափով»:

Հաշվի առնելով, որ Հովիկ Գևորգի Մեսրոպյանի կողմից օրենքի խախտմամբ Հայաստանի Հանրապետություն դեղերը ներմուծվել են մինչև ՀՕ-35-Ն օրենքով նախատեսված խստացվող նորմի ուժի մեջ մտնելը, ապա պետք է կիրառել մինչև ՀՕ-35-Ն օրենքի ուժի մեջ մտնելը գործող խմբագրությամբ «Վարչական իրավախախտումների վերաբերյալ» ՀՀ օրենսգրքի 47.3-րդ հոդվածի 1-ին մասը, որի համաձայն՝

«Հայաստանի Հանրապետությունում չգրանցված (բացառությամբ Հայաստանի Հանրապետության օրենսդրությամբ սահմանված դեպքերի) կամ գրանցումն օրենքով սահմանված կարգով կասեցված կամ օրենքի խախտմամբ դեղեր ներմուծելը կամ արտադրելը կամ պահպանելը կամ բաշխելը կամ իրացնելը կամ կիրառելը՝

առաջացնում է տուգանքի նշանակում՝ յուրաքանչյուր անվանմամբ դեղի՝

1) մինչև 10 փաթեթի դեպքում՝ սահմանված նվազագույն աշխատավարձի հարյուրապատիկից մինչև հարյուրհիսնապատիկի չափով,

2) 10-ից մինչև 30 փաթեթի դեպքում՝ սահմանված նվազագույն աշխատավարձի երեքհարյուրապատիկից մինչև երեքհարյուրհիսնապատիկի չափով,

3) 30 և ավելի փաթեթի դեպքում՝ սահմանված նվազագույն աշխատավարձի ութհարյուրապատիկից մինչև հազարապատիկի չափով»:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230, 279, 281, 283-րդ հոդվածներով, և 282-րդ հոդվածի 1-ին մասով՝

Որոշեցի

1. Հովիկ Գևորգի Մեսրոպյանին (անձնագրային տվյալներ՝ AS0395631, տրված՝ 15.10.2018 թվականին, 012-ի կողմից)՝ որպես խախտում թույլ տված անձի, «Դեղերի մասին» ՀՀ օրենքի 21-րդ հոդվածի 4-րդ մասով սահմանված պահանջները խախտելու համար.

1.1. «Վարչական իրավախախտումների վերաբերյալ» ՀՀ օրենսգրքի 47.3 հոդվածի 1-ին մասի 1-ին կետի պահանջով, ներքոնշյալ դեղերի.

- 1) Ացիկլովիր քսուք 5գ 5% – 1 փաթեթ
- 2) Սենադեկսին հաբ N30 – 1 փաթեթ
- 3) Գիպոտիազիդ հաբ 100մգ N20 – 1 փաթեթ
- 4) Ադվանտան – 1 փաթեթ
- 5) Ֆոսֆալյուգել գել 20% 16գ N20 – 1 փաթեթ
- 6) Գաբապենտին Կանոն 300մգ N50 – 1 փաթեթ

- 7) Բերրողուալ – 1 փաթեթ
- 8) Օմեպրազոլ 20մգ N20 – 1 փաթեթ
- 9) Ցիկլոֆերոն հաբ 150մգ N50 – 1 փաթեթ
- 10) Կարիպազիմ 350 ՊԵ N1 – 1 փաթեթ
- 11) Պիմաֆուցին մոմիկ 100մգ N6 – 1 փաթեթ
- 12) Լեվոմեթիլ քսուք 40գ – 1 փաթեթ
- 13) Ուրսոֆալկ դեղապատիճ 250մգ N50 – 1 փաթեթ
- 14) Վիլպրաֆեն – 1 փաթեթ
- 15) Ցիկլոֆերոն սրվակ 125մգ/մլ 2մլ N5 – 1 փաթեթ
- 16) Պանավիր գել 5գ – 1 փաթեթ
- 17) Բիսեպտոլ – 1 փաթեթ
- 18) Գանատոն – 1 փաթեթ
- 19) Օֆտալմոֆերոն աչքի կաթիլ 10մլ – 1 փաթեթ
- 20) Ֆլուկոնազոլ- Վարտեքս դեղապատիճ 150մգ N1 – 1 փաթեթ
- 21) Անդրոգել – 1 փաթեթ
- 22) Գրիպպեֆերոն կաթիլ 10000ՄԵ/մլ 10մլ – 1 փաթեթ
- 23) Տոբրեքս կաթիլ 5մլ 0,3% – 1 փաթեթ
- 24) Սիմբիկորտ տուրբոհալեր 160մկգ/4,5մկգ – 1 փաթեթ

օրենքի խախտմամբ Հայաստանի Հանրապետություն ներմուծման համար, ենթարկել վարչական տույժի՝ յուրաքանչյուր անվանմամբ դեղի համար սահմանված նվազագույն աշխատավարձի հարյուրապատիկի չափով՝ 24 (քսանչորս) անվանում դեղի համար՝ **2.400.000 (երկու միլիոն չորս հարյուր հազար)** ՀՀ դրամ վարչական տուգանքի,

1.2. «Վարչական իրավախախտումների վերաբերյալ» ՀՀ օրենսգրքի 47.3 հոդվածի 1-ին մասի 3-ին կետի պահանջով, ներքոնշյալ դեղերի.

- 1) Ասպիրին կարդիո 0,1գ, N98 - 120 փաթեթ
- 2) Կարդիոմագնիլ 75մգ+15.2մգ - 120 փաթեթ
- 3) Պարացետամոլ 500մգ N10 - 20000 փաթեթ
- 4) Ամոքսիցիլին – 160 փաթեթ

- 5) Իբուպրոֆեն – 600 փաթեթ
- 6) Լ-Թիրոքսին – 3600 փաթեթ
- 7) Կլաֆորան – 400 փաթեթ
- 8) Յոդմարին – 810 փաթեթ
- 9) Ակտովեգին – 870 փաթեթ
- 10) Բետադին լուծույթ – 1030 փաթեթ
- 11) Իմուդոն – 200 փաթեթ
- 12) Կոկարբոքսիլազա – 700 փաթեթ
- 13) Սինտոմիցին – 198 փաթեթ

օրենքի խախտմամբ Հայաստանի Հանրապետություն ներմուծման համար, ենթարկել վարչական տույժի՝ յուրաքանչյուր անվանմամբ դեղի համար սահմանված նվազագույն աշխատավարձի ութհարյուրապատիկի չափով՝ 13 (տասներեք) անվանում դեղի համար՝ **10.400.000 (տաս միլիոն չորս հարյուր հազար) ՀՀ դրամ վարչական տուգանքի:**

1.3. Տուգանքի ընդհանուր գումարը կազմում է **12.800.000** (տասներկու միլիոն ութ հարյուր հազար) ՀՀ դրամ:

2. Սույն որոշումը ծանուցել Հովիկ Գևորգի Մեսրոպյանին (հասցե՝ ք. Երևան, Աջափնյակ, Նորաշեն թղմ. /Շ/37/67 անձնագրային տվյալներ՝ AS0395631, տրված՝ 15.10.2018 թվականին, 012-ի կողմից), ինչպես նաև ք. Երևան, Աջափնյակ, Մ. Մազմանյան փողոց 5/28 հասցեներով:

3. Սույն վարչական ակտն ուժի մեջ է մտնում վարչական վարույթի մասնակցին իրազեկելուն հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

5. Իրերի և փաստաթղթերի հարցը լուծվել է:

X

ՍԼԱՎԻԿ ՍԱՐԳՍՅԱՆ

Подписано: SARGSYAN SLAVIK 3807890467

ՍԼԱՎԻԿ ՍԱՐԳՍՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախման համար կիրառվող տուգանքի վճարման պետքյուջեի հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Որոշումը ստացա _____

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում _____

Նշում որոշումը պատվիրված փոստով ուղարկելու և ստանալու ծանուցման մասին _____

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)